

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije Bosne i Hercegovine", broj: 15/05) i Plana povratka, obnove, gradnje i razvoja održivosti povratka za 2026. godine, usvojen Zaključkom Vlade Federacije BiH, V. broj: 296/2026 od 06.3.2026. godine, federalni ministar raseljenih osoba i izbjeglica, **raspisuje**

Javni poziv za podršku u obavljanju pripravnčkog staža povratnika sa VSS

I - PREDMET JAVNOG POZIVA

Predmet javnog poziva je finansiranje/sufinansiranje pripravnčkog staža povratnika sa visokom stručnom spremom, kroz rad sa ili bez zasnivanja radnog odnosa kod zainteresovanih poslodavaca (pravna lica u privatnom i javnom sektoru) na području entiteta Republika Srpska, Brčko Distrikta Bosne i Hercegovine i entiteta Federacija Bosne i Hercegovine za područja srednje razvijenih, nerazvijenih i izrazito nerazvijenih općina i gradova (u skladu sa indeksom razvijenosti Federalnog zavoda za programiranje razvoja).

II – CILJ JAVNOG POZIVA

Cilj javnog poziva je pružiti podršku povratnicima za stručno osposobljavanje, odnosno sticanje odgovarajućeg radnog iskustva, čime će se povećati njihova konkurentnost na tržištu rada, te stvoriti bolji uslovi za zapošljavanje, a sve u cilju održivog povratka i zadržavanja mladih obrazovanih kadrova u Bosni i Hercegovini.

III – PRAVO UČEŠĆA

Pravo apliciranja na javni poziv imaju fizička i pravna lica koja ispunjavaju sljedeće kriterije:

A) Opći kriteriji za fizička lica/nezaposlene povratnike sa VSS

1. da su povratnici ili članovi povratničkih domaćinstava u mjestu prijeratnog prebivališta i to:
 - a. manjinski povratnici u entitet Republika Srpska;
 - b. povratnici u Brčko Distrikt Bosne i Hercegovine;
 - c. povratnici na područje općina/gradova u entitetu Federacija Bosne i Hercegovine, kako slijedi: Vitez, Grude, Grad Visoko, Kreševo, Banovići, Grad Gračanica, Neum, Posušje, Usora, Grad Živinice, Kiseljak, Grad Lukavac, Kakanj, Jablanica, Travnik, Grad Gradačac, Grad Ljubuški, Novi Travnik, Grad Konjic, Bugojno, Kupres, Doboj-Istok, Grad Čapljina, Grad Srebrenik, Maglaj, Žepče, Breza, Busovača, Grad Livno, Grad Orašje, Fojnica, Jajce, Donji Vakuf, Grad Zavidovići, Olovo, Kalesija, Grad Stolac, Tomislavgrad, Gornji Vakuf-Uskoplje, Grad Bosanska Krupa, Grad Cazin, Foča, Velika Kladuša, Prozor, Odžak, Bosanski Petrovac, Kladanj, Sanski Most, Vareš, Ravno, Drvar, Domaljevac-Šamac, Ključ, Glamoč, Bužim, Čelić, Pale, Teočak, Sapna, Bosansko Grahovo i Dobretići.
2. da imaju prijavljeno prebivalište u općinama povratka;

3. da imaju VSS – VII stepen stručne spreme, prvi, drugi ili treći ciklus Bolonjskog sistema studiranja, na jednoj od visokoškolskih ustanova u Bosni i Hercegovini ili inostranstvu;
4. da se nalaze na evidenciji nezaposlenih lica kod nadležne službe za zapošljavanje;
5. da nemaju odgovarajuće radno iskustvo nakon sticanja visoke stručne spreme.

B) Opći kriteriji za pravna lica/poslodavce

1. da su pravna lica registrovana u skladu sa važećim zakonima u Bosni i Hercegovini koja su spremna organizovati obavljanje pripravničkog staža za najmanje jednog kandidata iz reda povratničke populacije;
2. da su izmirili sve prispele obaveze u pogledu direktnih poreza i doprinose za PIO/MIO i zdravstveno osiguranje, kao i obaveze po osnovu indirektnih poreza, ukoliko je PDV obveznik,;

Izuzetno u slučajevima kada aplikant ima zaključen sporazum o reprogramu obaveza, odnosno odgođenom plaćanju po osnovu doprinosa za penzijsko-invalidsko osiguranje, zdravstveno osiguranje, i/ili direktnih poreza, dužan je dostaviti potvrdu nadležne institucije/a da aplikant u predviđenoj dinamici izmiruje svoje reprogramirane obaveze, smatraće se da taj aplikant ispunjava ovaj tačku Javnog poziva.
3. da imaju aktivan transakcijski račun;
4. da imaju sjedište ili registrovanu poslovnu jedinicu na području entiteta Republika Srpska, Brčko Distrikta Bosne i Hercegovine ili na području srednje razvijenih, nerazvijenih i izrazito nerazvijenih općina i gradova u Federaciji Bosne i Hercegovine prema indeksu razvijenosti jedinica lokalne samouprave Federalnog zavoda za statistiku, i to: Vitez, Grude, Grad Visoko, Kreševo, Banovići, Grad Gračanica, Neum, Posušje, Usora, Grad Živinice, Kiseljak, Grad Lukavac, Kakanj, Jablanica, Travnik, Grad Gradačac, Grad Ljubuški, Novi Travnik, Grad Konjic, Bugojno, Kupres, Doboju-Istok, Grad Čapljina, Grad Srebrenik, Maglaj, Žepče, Breza, Busovača, Grad Livno, Grad Orašje, Fojnica, Jajce, Donji Vakuf, Grad Zavidovići, Olovo, Kalesija, Grad Stolac, Tomislavgrad, Gornji Vakuf-Uskoplje, Grad Bosanska Krupa, Grad Cazin, Foča, Velika Kladaša, Prozor, Odžak, Bosanski Petrovac, Kladanj, Sanski Most, Vareš, Ravno, Drvar, Domaljevac-Šamac, Ključ, Glamoč, Bužim, Čelić, Pale, Teočak, Sapna, Bosansko Grahovo i Dobretići.

IV – OGRANIČENJE UČEŠĆA

U ovom javnom pozivu ne mogu učestvovati poslovni subjekti koji nisu ispunili ugovorene obaveze prema Federalnom ministarstvu raseljenih osoba i izbjeglica u ranijem periodu (10 godina) po svim provedenim javnim pozivima i programima.

V – DOKUMENTACIJA ZA PRIJAVU

Prijava na javni poziv treba obavezno da sadrži slijedeće dokumente:

A) Prijava - fizička lica

1. Čitko popunjenu i potpisanu prijavu na javni poziv, na obrascu koji je dostupan na internet stranici Ministarstva <https://fmroi.gov.ba/> ili se može preuzeti lično u Ministarstvu, na adresi Hamdije Čemerlića br. 2., Sarajevo;
2. Uvjerenje/Obavještenje o prebivalištu (CIPS), ne starije od 30 dana (original ili ovjerena kopija od strane nadležnog organa ne starija od 30 dana);
3. Uvjerenje/potvrdu o povratku, izdatu od strane nadležnog organa na ime kandidata ili na ime nosioca domaćinstva u kojem kandidat živi (original ili ovjerena kopija od strane nadležnog organa ne starija od 30 dana);
4. Ovjerena izjava o zajedničkom domaćinstvu/kućna lista, ne starija od 6 mjeseci;

5. Fakultetska diploma ili uvjerenje o završenoj VSS ili nostrificirana diploma ukoliko je fakultet završen u inostranstvu (original ili ovjerena kopija od strane nadležnog organa ne starija od 30 dana);
6. Uvjerenje nadležne službe za zapošljavanje da se kandidat nalazi na evidenciji nazaposlenih osoba, ne starije od 60 dana (original ili ovjerena kopija od strane nadležnog organa ne starija od 30 dana);
7. Lična izjava kandidata da do sada nije obavio pripravnički staž, odnosno da nema odgovarajuće radno iskustvo koje je uvjet za rad u struci (ovjerena od strane nadležnog organa ne starija od 30 dana).

B) Prijava - pravna lica

1. Čitko popunjenu, potpisanu i ovjerenu prijavu na javni poziv, na obrascu koji je dostupan na internet stranici Ministarstva <https://fmroi.gov.ba/> ili se može preuzeti lično u Ministarstvu, na adresi Hamdije Čemerlića br. 2., Sarajevo;
2. Rješenje o registraciji aplikanta (original ili ovjerena kopija od strane nadležnog organa ne starija od 30 dana);
3. Uvjerenje o poreskoj registraciji aplikanta (ID/JIB broj) (original ili ovjerena kopija od strane nadležnog organa ne starija od 30 dana);
4. Potvrda banke da aplikant ima aktivan transakcijski račun (original ili ovjerena kopija od strane nadležnog organa ne starija od 30 dana);
5. Uvjerenje o izmirenim porezima i doprinosima kao dokaz da aplikant nema dugovanja za obaveze po osnovu direktnih poreza i doprinosa izdato od nadležne Poreske uprave (original ili ovjerena kopija od strane nadležnog organa ne starija od 30 dana);
6. Uvjerenje da aplikant nema dugovanja po osnovu indirektnih poreza ukoliko je PDV obveznik (original ili ovjerena kopija od strane nadležnog organa ne starija od 30 dana), a ukoliko nije PDV obveznik aplikant dostavlja izjavu da nije u sistemu indirektnog oporezivanja (potpisana i ovjerena od strane aplikanta).

VI – FINANSIJSKA SREDSTVA

(1) Ministarstvo će poslodavcima koji zaposle mladog povratnika pripravnika na **ugovor o radu bez zasnivanja radnog odnosa** na period do 12 mjeseci, jednokratno uplatiti sredstva namijenjena za isplate mjesečnih naknada kao i uplate obaveznih poreza, doprinosa i/ili osiguranja kandidata za slučaj povrede na radu i profesionalnog oboljenja, u iznosu određenom u skladu sa važećim propisima. Odobreni iznos po kandidatu, za period od 12 mjeseci će iznositi do **6.000,00 KM** za isplate neto naknada kandidatu (mjesečne naknade minimalno 500,00 KM). Ovaj iznos će biti uvećan za iznos sredstava namijenjenih za izmirenje obaveznih doprinosa shodno važećim propisima, a tačan iznos će zavisiti i od ukupnog broja kandidata fizičkih lica, te eventualne spremnosti sufinansiranja navedenih troškova od strane poslodavaca.

(2) Ministarstvo će poslodavcima koji zaposle mladog povratnika pripravnika na **ugovor o o radu sa zasnivanjem radnog odnosa** na period od 12 mjeseci, jednokratno uplatiti sredstva za isplatu plata i obaveznih doprinosa, u iznosu određenom u skladu sa važećim propisima. Odobreni iznos po kandidatu za period od 12 mjeseci će iznositi do **9.000,00 KM**, a tačan iznos će zavisiti od ukupnog broja kandidata iz reda fizičkih lica, trajanja staža i spremnosti sufinansiranja navedenih troškova od strane poslodavaca.

(3) Ukupan iznos planiranih sredstava za realizaciju ovog javnog poziva je do **300.000,00 KM**.

VII – OBAVEZE KORISNIKA

Ministarstvo će na osnovu rezultat ovog javnog poziva, zaključiti pojedinačne ugovore sa poslodavcima i pripravniciima kojim će se regulisati prava i obaveze a u skladu sa važećim propisima iz radnih odnosa.

VIII - NAČIN IZBORA KORISNIKA I POSEBNI KRITERIJI

Izbor korisnika po osnovu ovog javnog poziva vršit će posebna komisija koju imenuje federalni ministar raseljenih osoba i izbjeglica. Komisija će razmatrati prijave u skladu sa odredbama ovog javnog poziva i procedurama za izbor korisnika.

U slučaju prijavljivanja većeg broja kandidata, prednost će imati kandidati koji čekaju duži period na zaposlenje te poslodavci koji upošljavaju veći broj mladih povratnika pripravnika, a sve do maksimalnog iznosa raspoloživih sredstava za realizaciju ovog javnog poziva.

IX – ROK ZA PRIJAVE I NAČIN PODNOŠENJA PRIJAVA

Prijave sa traženom dokumentacijom dostaviti lično ili poštom preporučeno, na adresu:

Federalno ministarstvo raseljenih osoba i izbjeglica

Hamdije Čemerlića 2

71000 Sarajevo

sa naznakom

“Prijava na Javni poziv za za podršku u obavljanju pripravnčkog staža povratnika sa VSS ”

(Na poleđini koverta navesti naziv aplikanta, adresu i kontakt telefon)

Rok za prijave je **05.08.2026. godine.**

X – INFORMACIJE

Dodatne informacije o javnom pozivu se mogu dobiti putem kontakt telefona: 033/294-139 i 033/294-140.

Prelimarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica <https://fmroi.gov.ba/>

Nepotpune i neblagovremene prijave neće se uzimati u razmatranje.

Broj: 04-32-4-47-1/26

Sarajevo, 06.07.2026. godine

MINISTAR

Nerin Dizdar